

اوپنات گمرومینه مجله

هفته لقی سیاسی ، ادبی ، علمی غزته در

جلد : ۳

سنه : ۲ ۲۷ ربیع الاخر ۱۳۳۶ جمه ایرتسی ۹ شباط ۱۹۱۸ نومرو ۲۳ — ۵۴

مناظره و اسلامیت

مناظره به مراجعت صورتیله جل مسائل عالم اسلامیتده اصحاب کرامک زمانلرندن اعتباراً باشلامشدر . جده نک ، اخوه نک اولاد امک توریثی وشارب خمر حقنده حدشرعی اجراسی وکیجه لری خانه سنه کیزلیجه برطاقم کسانى قبول ایتمکده اولدینی خبر ویریلان برقادین حقنده بالذات ترصدایدرك بو یوزدن مذبوره نک حامله اولدینی جنینک سقوطنه سیبیت ویرمش اولسندن وبوصورت معامله اصحاب کرامجه « ولاتجسسوا الخ » آیت کریمه سیله قابل تألیف کورلمدیکنندن ناشی حضرت عمرک جنینک دیتی ایله محکوم ایدلسی کی برطاقم مسائل هب اصول مشورت و مناظره به مراجعت صورتیله نتیجه حله اقتران ایتیش مهم امور شرعیه دندر .

معلوم اولدینی اوزره عصر سعادتده بین المسلمین تحدث ایدن اختلافات و منازعات احکام قرآنییه ویا وحی الهیه ویا اجتهاد عالی جناب پیغمبرییه توفیقاً فصل ورؤیت اولنوردی سده ارتحال نبویدن صوکره بو وظیفه مهمه امضای قضایه مأمور بیورلمش اولان اصحاب کرامه تودیع بیوریلهرق مشار الیهم حضراتی ایسه احکام قرآنییه ایله سن سنیه اقتدا واتباع ایتیش ونصه اقتران ایتامش اولان خصوصاتده دخی اجتهاد ذاتیلریله عمل ایتمکه مجبور قالمشردی . مشکات نبوتدن بالذات اقتباس فیض و معرفت ایتیش و بناء علیه او قرنی تعقیب ایدن قرون اخیره رجالی کی غیرک معلوماتنه مراجعت احتیاجندن و اوسته بولنش اولان ذوات مشارالیهک اجتهاداتنده اختلافه تصادف اولنه بیلیرسه ده جمله سنک یگانه مقصدی حقه اظهاری ایله حقانیتک محافظه سی نقطه سندن عبارت بولندیغی جهته هر مسئله نی کال انتظام وجدیتله موقع مناظره به وضع وبوصورتله اسلامیتک تعاینه تعلق ایدن اسبابک تطبیقنه مسارعت ایدرلردی . کرچه خلفای راشدین حضراتک دورندن صوکره چوق زمان کچه دن مسند خلافت بعض ایجابات زمانیه به مبنی علوم دینییه انتسابی اولیان بعض ذواته توجیه اولنش ایسه ده اشراف قایمین

وثائق مذکورہ ایله دیگر برحقیت داها ثابت اولورکه اوده شودر :
یونانستانه جوار اولان ممالکده (تراک) تعبیری (سکیت) کلهسی برینه قائم اوله رق صورت عمومیده
قدیم تورکری و تورک عرقی اراده ایدر .

تراک بوغازی و آناتولی تراکیاسی . — اسکی زمانده اوستانبول بوغازینه یعنی بوغازاچینه
(تراک بوغازی) ویا (تراکیا بوسفوری) نامی ویرایرایدی . حقیقت حالده ایسه بوتعبیر (تورک بوغازی)
دیمک ایدی .

بوغازک آسیا و قاره دگیر ساحلنده کاش (ازکلی) حذالینه قدر ممتد اولان حوالیه (کوچوک آسیا
تراکیاسی) تسمیه اولونورایدی که بوصورتله بوغازاچی اوروپا تراکیاسیله آسیا تراکیاسی بربرندن
تفریق ایدرایدی . آناتولی تراکیاسنه (بیتینیا) bithynie دخی دیرل ایدی .
یونانیلر آناتولی تراکیاسنده شمیدیکی قاضی کوینک موضعده میلاددن ۶۸۵ سنه مقدم (قالسه دووان
chalcédoine شهرینی و شیمدیکی اوستانبولک موضعده دخی تاریخ مذکور دن ۳۵ سنه صوکره
(بیزانس) شهرینی مستعمره اوله رق تأسیس ایتشلردز . حتی اوروپا ساحلنده بیزانسیک تأسیس
اولندیغی موضعی کورمکسزین آسیا ساحلنده (قالسه دووان) شهرینی تأسیس ایدنلره (کورلر) لقی
ویرلش ایدی . [۱]

بناءً علیه اک قدیم زمانلردن بری اوستانبول بوغازیله طرفین حوالینی (تراکیا) نامیله اسکی
تورکک ممالکی اولوب یونانیلر اجنبی اوله رق و خارجدن کله رک مذکور بوغازک ایکی طرفنده برر
مستعمره تأسیس ایتشلردز . بو حالده اوستانبول ایله حوالیسنه روملردن زیاده تورکک حقوق
تاریخیه سی واردر .

فهرست . — (داقلر) ویا (دایلر) ایله (تراقلر)ک (جتلر) ایله همجنس بولمه لری و بناءً علیه
(سکیت) یعنی تورک اوله لری صوکره دزجه اهمیت تاریخیه یی حائز برحقیت اولوب بو خصوص آتیده
کورینه جکی اوزره (بلاژ) لری و قدیم یونانستانده ساکن اولش اولان سائر اقوام مشهوره یی دخی
تورککشدیریر .

[۱] قالسه دووانلیلر ک بیزانسیلر قدر بوسفورک آفندیسی ایله کلن پالاموط بالقرندن استفاده
ایده مه دکلیخی مهم برمنسئله اولق اوزره سترابون شرح ایدر .

متقاعد ارطیه صریح فریقی

انور

به توفنک اولومی

۱۸۲۷ — ۱۷۷۰

محرومیتلی ، فنا بر معیشت ، خودبین و مستغنی بر محیط ، پدر موروث خشونت طبع و همپسندن
مؤلم اولق اوزره چیرکین و ناقصه لی بوجود . . . بوتون بو فقرات آلام به توفنک حیاتی جرجیوه لر ؛

فقط هیچ بری بوبویوک آلمان داهیسنگ شمدی به قدر کسهنگ وجوده کتیره مدیکی نفیس ابداعات موسیقیه سینه مانع اولاماشدر .

حیاتنگ الملره طولو بوتون آتاندده کندیسنه مخصوص یوکسک لسان موسیقی ایله طبقی روزکارلرینگ اینینی ، قوشلرینگ حیویلتیلری وصورلرینگ چاغلنیلریله لسان طبیعتنگ انسانلره خطاب ایتدیکی کی ترم ایلدی . . .

دنیه بیلیرکه به توفن طبیعتنگ یکانه ترجمان دیشانیدر . چونکه اونک لسانیه تکلم ایدن و آغلایان یالکز به توفن اولمشدر .

فقط به توفنگ حیاتی اوپله برسلسله آلام و فایع حالنده دوام ایتدی که یالذات کندیسینیله متعدد دفعه لر دهاسندن شبهه ایتکه مجبور قالمشدر .

کونا کون سفالت و محرومیتلر اچنده سوروکلنه ن حیاتی صوکنه واصل اولدیغی زمان به توفن ارتق قدرندن تماماً نومید و طالعه یومروقلرینی صیقه رق ئولدی . . . بو ، فجیع و فقط شاعرانه بر اولوم اولمشدی :

۱۸۲۷ مارتنده ایدی ؛ یکریمی سنه دنبری متادی تخریباتیله قولاقلرینی فائده سز بر عضو حالته قویان صاغرلق اضطرارباتنه باشقه بریکون آلام علاوه ایتمشدی . به توفن بو صره لرده ویانه جوارنده بادنده انجق احتیاجات مبرمه سنی تسویه ایده بیلن برپانسیونده مضطرب بر حیات کچیریوردی . .

یکانه مشغله سی شهرک جوارنده کی بر اورمانه یالکز باشنه دالهرق اوراده قوشلرک نغماتی ، آغلرک فاصله لی اینیلرلری آلتنده ، دهاسیله باش باشه ، اونک یوکسکلره ، دماره طیرانی سیر ایتکدی . برکون ، بر مکتوب اونی تختگاه خیالیسندن یرله قدر ایندیوردی ، باشقه یرلده بر باشقه کدرلر اونی بکله یوردی : همشیره زاده سی بر جرمدن طولایی مظلوناً ویانه به کتیرلمشدی . کندیسنه داییسندن دهاقین کیمسه کورمدیکی ایچون اوکا مراجعت ایدیوردی .

به توفن بادندن چیقدی . پاره دن تصرف ایچون یولک مهم بر قسمی یایان یورومک ایجاب ایدیوردی . بو مشقتلی سیاحت کوننگ اقشامنده به توفن کوچوک و خراب بر خانه نگ اوکنده توقف ایتدی . ویانه به واصل اولق ایچون دها ایجه یول قطع ایتک لازم کلدیکندن بویجه بواوده مسافر اولهرق قالمی دوشونیوردی ، چونکه بر ساعتدرو جودنده حس ایتدی راحته زلق یولنه دوامنه مساعد کلدی . . خانه صاحبلی طرفندن طانیلمق سزین فقط ممنونیتله قبول اولندی بو ، بر قیز و اوچ ارکک چو جقلریله متوسط بر آلمان عائله سی ایدی .

برابر یمک یدکدن صوکره مسافری اوجاق باشنه او طور تدیلر . پدر براسکی پیانو به کجی . وچو جوقلرک هربری دیوارده اصیلی اولان آلتلرینی آله رق آقورده باشلادیلر ، بر دقیقه صوکره پدرک اداره سی آلتنده و صرف آلمان روحنه خاص بر اعتیاد موسیقی ایله آهنکه قویولدیله .

بو صحنه نگ یالکز شاهی اولان صنعتکار چالنان پارچه نگ عائله افرادینی بلااستثنا علاقه دار ایتدیکنی کلایه بیلوردی . هپسنگ چهره لرنده اوقونان تهیج لطیف قلبلرینگ ده اونسبتده متعسس اولدیغنی کوستریوردی .

فصلی بیتیردکری وقت به توفن هپسنگ آیری آیری صیقارق سعادتلرینی تبریک ایتدی . صوکره اونلر تکرار باشلادیلر . . بوسفرکی تهیجلی دها درین وقلی کوزلری دها بولانیق ویاشلی ایدی . . .

نهایت بو آهنگ اذواقه بیکانه قالمقن بونالان به توفن :

— دوستلرم ، دیدی ، حس ایتدیگمیز هیجان و مسرتة اشتراك ایدمه مدیکمدن طولانی کندیمی نه قدر بدبخت بولیورم بیلسه کز ! چونکه بنده موسیقی بی سورم . فقط کوریوزسکز که اک کورولتولی بر پارچه بی ایشیتهمیه جک قدر صاغریم ، تغنی ایتدیگمیز شیئی نوطه سندن تعقیب ایتماکمه مساعده ایدیکمیز ! دفتری اوکا اوزاتدیلمز . نوطه یه انصاف ایدن نظرلی قرالتیلرله قارشیدی . نفسی طورمش کییدی کوزلرندن یاشلر پوشاندی و دفتر اندن دوشدی ...

چونکه تغنی ایدیلن ، بوتون عائله افرادی بوقدر متحسس ایدن پارچه «لا» دن اولان بر سه مفو نینسک مقدمه سی ایدی ! ...

بوتون عائله افرادی صنعتکارک اطرافنه طویلاندی . حیرتکار کوزلری ، اللری وقوللرینک هیجانلی حرکتلریله صوریورلردی :

— نه کز وار ؟ نه کز وار ، راحتزمیسکز ؟

برقاچ هیجانلی دقیقه کجی ... به توفن اونلری صوصدوره رق ساکن وتترهک بر سسله یواشجه سویلندی :

— بن بن به توقم ! ...

وجودلرده حیرتلرله قاریشیق احتراملر کزندی .. بر ساعتدیری آرملرنده یاشایان آدمک تاریخده بلکه قرالردن یوکسک بر موقع صاحبی اولدیغنی دوشونه رک حضورنده اکیلدیلمز .. اکیلدیلمز .. صنعتکار اونلره انی اوزاندی ، پدری ، والدینی و چوچقلمز هب آیری آیری دراغوش ایتدی . بر آن صوکره یردن قلقوب پیانو یه اوطوردی و اوچ کنج آدنه چالغیلرینی آلهلری ایچون اشارت ایدهرک یالذات بوشاه اثرینی چالغنه باشلادی .

نه روح ... نه هیجان .. هیچ بر زمان بونفیس اثر بوکیجه کی قدر کوزل اولامشدی .. به توفن اوزون مدت پیانوده قالدی ، چالیدی .. چالیدی .. همده بالداهه ! او وقته قدر ابداع ایتدیکی بسترلذن ده کوزل ده نفیس پارچهلر ؛ کیجه یاریسی حس اولمدهن کچمشدی ؛ بو به توقمک دهاسیله سرمست اولوب سرمست ایتدیکی صوک کیجه ایدی ...

صنعتکار اوقدر یورغون و متحسس برحاله بوانیوردی که چهره سنده کی آثار خراییدن متاًثر اولان رئیس عائله اوکا استراحت ایتسنی توضیه به مجبورت کوردی ؛ به توفن ، یاقیجی بر حس آتشنک بوتون وجودنده صرعلر یایدیغنی محس ایدیوردی ، قالدی : هوا آلمغه احتیاجی واردی . عائله افرادیکنک شدید مخالفتلرینه رغماً قیدلره طوغری آیاغی چپلاق ، یوردی ...

طیشاریده صوغوق بر مارت هوایی روز کارلریله داللری قیریور ، اورمانک دار یولنده اوکنه قاه بیلدیکی شیلری سوروکله یوب کوتوریوردی .

او ، اوزون مدت روز کارله ، طبیعتله باش باشه قالدقن صوکره عودت ایتدی : طوغمشدی و خسته ایدی .. دوقتور آرامق اوزره ویانه یه قوشدیلمز . شدید بر استسقاء صدری اعراضنی کوسترمکده کچیکمه دی . بوتون اهتمامه رغماً ایکی کون صوکره دوقتور خسته نک صوک ساعتلری یاقلاشدیغنی اخبار ایتدی .

اولوم ایله خیااتک به توفنک وجودنده مجادله ایتدیکی بوساعتلرده یاندیغی اوطه نك قپوسی آچدی .
 بو زائر نا کهظهور هومبل ایدی ، اسکی یکانه دوستی هومبل که به توفن اونی طارلتش اولدیغندن
 اوزون مدتدنبری یوزینی کورمه مشدی . اوکا کلنجه ، اسکی ارقداشک خسته اولدیغنی خبر آیر الماز
 معاوننده بولمق اوزره قوشمشدی فقط هیات ، ارتق هرشی بیتشیدی : به توفن قونوشامایوردی !
 شکران ایله طولو برنظر!.. ایشته هومبلک خسته ارقداشندن فائل اوله بیلدیکی از اثر آشنائی ! ..
 هومبل یتاغه طوغرو اینکیله رک برورو ایله اونی بو حالده کوردیکندن وبویله بویوک بردها نك افول
 ایتک اوزره بولندیغندن متولد تأ ثرلینی کوچ حال ایله افهام ایدم بیلدی .

زوایی صنعتکار بوسوزلره یکیدن حیات بولیور کیدی ؛ بویوک بر جهدا یله کوزلرینی آچدی و :
 — صحیح ، بن بردهایه مالکدم دکلی هومبل ... دیه بیلدی .

بوبرقاچ کله فیده لیئو بسته کارشپرینک صوک سوزلری اولدی ؛ کوزلری ثابت ، آغزی یاری آچیق ،
 حیات بومستشا دهای الی یدی . سنه تمیل ایدن وجودی اولومه ترک ایدم رک اوندن اوزاقلاشدی ،

اوزاقلاشدی ...

۲۲ کانون اول ۳۴۳

محسن نعیم

عثمانیلرک اوروپاده کی مستملکاتی

— (افلاق و بغداد) —

[فقره . مخصوصه سنده افلاق و بغداد و روماتیا عرقیله مسکون ممالکک نقطه عثمانیه نظر دن
 تاریخیچه سنی تزییر ایتش ایدک . کذلک عربستانکده احوال تاریخیچه سی بر فقرده بیان ایدلشدی .
 آتیده کی جمله لرده ایسه یالکز ممالک مذ کورده نك ، بولغارستانک و سائر حوالینک جغرافیای تاریخیسندن
 بحث ایدیله جکدر .]

طونه آياقلى افلاق و بغداد حوضه لرینی ترکیب ایدر . افلاق آياقلى جبال منیه دن چیقار ،
 درین دربندلردن کچر . بغداد آياقلى ایسه دها آز یوکسک طاغلردن نبعان ایدر . هرايکی اقليم بو
 جبال ومياه سایه سنده فوق العاده بر قوه انباتیه نی حائر ایسه ده پرنس قارواک قعودینه قدر محاربات
 متوالیه دن طولانی بر شورمزار منظره سی اراهه ایتکده ایدی .

طونه نك صول آياقلى شولردر : ۱ - « شیل » Chyl قراپوا جوارندن کچر . بو شهر
 وقتیه مستقل بر « بان » لغک مقری ایدی . ودیندن بکرشه منتهی یول ایله سائر قاربات طریقلى
 اوزرنده کاشدر . بورالری ۱۸۲۸ محاربه سنده و آندن صکرده فوق العاده تخریب ایدلشدی .
 قریب محاربه سی اثناسنده بو کوزل ممالک چول حالنه منقلب اولشدی . ۲ - « آلتوتا » Alouta
 Altو ؛ Alt قارباتلرده پیدا اولور . قرق کیلومترو امتدادنده اولان « شورول »